

SESOTHO A1 – STANDARD LEVEL – PAPER 1
SESOTHO A1 – NIVEAU MOYEN – ÉPREUVE 1
SESOTHO A1 – NIVEL MEDIO – PRUEBA 1

Tuesday 21 May 2002 (afternoon)
Mardi 21 mai 2002 (après-midi)
Martes 21 de mayo de 2002 (tarde)

1 hour 30 minutes / 1 heure 30 minutes / 1 hora 30 minutos

INSTRUCTIONS TO CANDIDATES

- Do not open this examination paper until instructed to do so.
- Write a commentary on one passage only. It is not compulsory for you to respond directly to the guiding questions provided. However, you may use them if you wish.

INSTRUCTIONS DESTINÉES AUX CANDIDATS

- Ne pas ouvrir cette épreuve avant d'y être autorisé.
- Rédiger un commentaire sur un seul des passages. Le commentaire ne doit pas nécessairement répondre aux questions d'orientation fournies. Vous pouvez toutefois les utiliser si vous le désirez.

INSTRUCCIONES PARA LOS ALUMNOS

- No abra esta prueba hasta que se lo autoricen.
- Escriba un comentario sobre un solo fragmento. No es obligatorio responder directamente a las preguntas que se ofrecen a modo de guía. Sin embargo, puede usarlas si lo desea.

Nts'a maikutlo a hau holim'a e 'ngoe ea liqotsula tsena.

1. (a)

Lerato

- Rato le mochofane lea chofa,
Le matl'a lifefo lea fefola,
Ke tsokotsane sa maliba khanyapa,
Se qotsula lifate metsong,
5 Se tabanye likakapa ka limpa,
Sa lahlela likoete ts'ehlong,
Tsa sala li ikuna-kuna bohata.
- Rato le ts'elisa motho noka e tletse,
A fofe metsi holimo, pelo e le khateane,
10 Rato ha le na tsela-khopo, ke u joetse,
Le thulisa motho thaba ka hlooho,
Pelo e qaqata sa oache ea leqaqa,
Pelo e hopotse mahopo sebakana,
Pelo e hopotse mohalalitoe bonamelo.
- 15 Rato le sebetle le manganga,
Le liha likhalala moleng oa ntoa,
Le khoaphile Samsone a oela,
La 'na la mo pholla bohata,
La mo foufatsa, a foufala,
20 A lahlehelo a ke mpho'a leholimo,
Matla a fella phate-soba.
- Le kotsi lea bolaea lerato,
Monna le mosali ba shoa ke lerato,
Ba ipolaela lerato balekane
25 Monna a ikhanyeha sa Jotase,
Mosali a noe chefo a phela,
Tlhankana e itabole ka tlali mehano
Ka parafini e its'ele thoetsana.

Ramone M, *'Na ke Mosotho*, 1999.

- Ke lintlha life tse 'ne tsa bohlokoa tseo ho buang ka tsona thothokisong ee?
- Nts'a maikutlo a hau ntlheng ka 'ngoe u ipapisitse le puo e sebelisitsoeng.
- Ke makhabane le mefokolo efe eo u fumaneng thothokisong ee?

1. (b)

- A bokolla Mafa ha a bona hore o se a thakhisitsoe a kakatletsoe sebakeng empa Maqivivi a iphetola limumu le litholo. Monna oa borobeli ea neng a ts'oere kubu letsohong la hae a shapa Mafa mahetleng mona ka sefutho se ts'abehang. Mokoepa a leka ho ema ho namolela Mafa empa le eena kubu ea mo ja hloohong mona, a lula
- 5 fats'e a pikitla bohloko. Seqhobane sena sa boela sa e beha kubu mahetleng a Mafa, hoa re thoa! Bohle ba tsitsipana leroleng moo ba lutseng, mangole a otlana. Seqhobane sane se ntseng se shapa Mafa sa boela sa mo hohla mme molumo oa kubu ea e ba o koalang litsebe. Ao! Maqivivi a sehloho banna! Senatla sa ikotlolla letsoho ka Mafa ea ka se pola mabele. A bokolla Mafa empa thuso e le sieo. A bua Seqivivi, Sesotho,
- 10 Sekhooa, empa Leqivivi la mo shapa a qetella a tepelletse, likhapa li entse seliba fats'e moo a okametseng. Eaba Maqivivi a mo tlohela, motho oa batho a otlana fats'e ka limpa melomo ea tlala marole. Ba khorohela Tsietsi, ba mo jarela holimo 'me joale ba fetola maoa. Ea neng a shapa Mafa a neheletsana e mong kubu hore e be eena ea ikotlollang. A shatjoa Tsietsi le eena likhapha tsa ba tsa kopana le mamina le mekola.
- 15 Eitse ha ba bona hore o a tepella o lahla hlooho, ba mo tlohela a ratlana fats'e leroleng. Ba fetela ho Serame 'me le eena ba mo shapa hore a namalle. Ho ne ho le hobe, ho nkha lefu ka chankaneng. Mafa, Tsietsi le Serame ba ne ba paqame fats'e, ba lumaela sa poli tse shoang ke bohloko. Taba tse senyeha ha Maqivivi a re a qhautsa Mokoepa. Oa pele ea ileng a leka ho ts'oa Mokoepa a
- 20 fumants'oa setebele se matla tlhafunelong, a ba a otlana fats'e ka lehlakore. Oa bobeli a ikatametsa 'me a fumants'oa motoba oa setebele linkong mona a ba a oa ka sanketse. Oa boraro a leka ho its'ohlometsa empa Mokoepa a mo raha mpeng mona, monna a tepella, a ya fats'e a its'oere mokhubu. Mokoepa o ne a sa batle ho potoa ka morao. Maqivivi a rabaka a mo pota ka mona le ka mona. E mong oa bane ba emeng
- 25 monyako a ba ipetsetsa ka hare ho chankana ho thusetsa ba habo. Mokoepa eitse ha a re o sheba Leqivivi le its'ohlomelitseng ka chankaneng, le ts'oereng phafa la 'mona thoa! hloohong mona. Ao! Maqivivi a ikhakela holim'a hae. Ba mo tsatola ba mo jarela holimo ba bile ba ntse ba rohakana. Banna! A shatjoa sehloho Mokoepa oa batho. Ba mo shapa ba bile ntse ba fetola maoa ba neheletsana kubu ha e mong a
- 30 khathetse ke ho pola setha. Le hlooho ena ba ne ba mo shapa ka ha ba bone hore o hlile o manganga. Eitse le eena ha a lahla molala metsi a se a bile a ipetsitse, eaba ba a mo tlohela, a otlana fats'e 'me bona ba ts'eha haholo. Ba ts'eha hore ho hlahe mohlahare oa ha qetela. Likhabane tsa rona tsa lumaela bosiu bohle 'mele e futha ho se monate. A ba shapile a
- 35 ba a itlosa Maqivivi.

Ramokhothoane K.A., *Lehlohonolo*, 1996.

- Maikutlo a hau ke afe mabapi le tsela eo Maqivivi a hlokomelang bats'oaruo a chankaneng?
- Bonts'a hore na mongoli o sebelisitse puo e joang ho fetisa molaetsa oa hae litabeng tsena.
- Litaba tsee li u ama joang u le 'mali?